

靳兩城先生集

竹



靳兩城先生集卷之七

東魯靳學顏著

七言古詩

春詞

花霧縈簾雙燕翔  
垂楊搖日金縷長  
寶釵蟬髻鬪宮妝  
自矜纖手弄流商  
秦聲趙曲空相望  
含情歛眉罷金柱  
綠牕無人調鸚鵡

庚子志感

黃河日下九千里  
我欲東歸道無因  
嚴霜夜摧



沙海樹冰花結岸波龍鱗雲間鴻鴈有何意北  
來那不寄書至思一彎弓射爾鴻此鳥有信兼  
抱義紫塞狼烟日夕聞太原城下滿胡雲白日  
真看神鬼泣蒼生盡沒犬羊羣石州之慘更忍  
說原野壓骨谷盈血由來主憂須臣危百年此  
恨憑誰雪丈夫年少氣干斗髮上衝冠血瀝酒  
雞鳴拔劍出門去北望關山爾何有

舟中望武當山

漢江夜雨千丈瀾一葉飛下龍門灘七十二峰

杳何所武當之山真嶺岼日月閃爍蒼翠裏元  
氣簸盪虛無間南巖可望不可卽霞衣遙拜金  
宮仙

梧桐篇

梧桐蒼蒼何琅琅海上雙棲朱鳳凰西條下激  
咸池波東枝長吐方山陽千秋萬歲枝柯古虬  
龍偃蹇紋理長匠石揮斤中所度龍唇鴈足登  
明堂一揮再揮八風正六奏九變日重光誰為  
此者夔與襄嗟乎此物不復有十日并出羣龍



新兩城先生集 七卷  
吼不周柱折女媧逝何人更是完天手君不見  
玉山無禾鳳不食嶰谷之管吹無力

紀行

停雲垂雨黑絃絃天風無力吹不分向午微陽  
始舒彩一暈繚繞青黃氛首夏我行出北郭垂  
楊夾路青絲弱塵土不上逍遙巾清森却道吳  
衫薄湖山萬朶芙蓉蒼菰蒲烟裏漁聲落更逢  
湖中叟儼登豐華臺千帆掛日回萬木迎人來  
豐華臺上苔蘚多臺下陰陰滿綠莎子規不語

鷓鴣語愁殺江南白紵歌

苦熱行

三伏蒸熱日且長過午不可更禁當木葉焦捲  
凋半黃揮汗如雨心發狂無聊我欲賦苦熱十  
度揮毫九復輟陰山大麓烟霧寒猛獸毒蟲不  
可涉息心存想忽若遺小堂冰雪生寒姿

秋夜長

羲和鞭日咸池下織月穠星動平野幽蘭老桂  
滴露華歎息流光如走馬井闌絡緯咽復鳴秦



女投機錦不成倚屏却作遼西夢夢裏關山不  
計程

芙蓉篇

九漚增波蒲展芽彼美獨處揚豔葩脩條踈葉  
珊瑚茄朱儀榮藻形窅窅扶桑爛若炫九霞搖  
風瀉露翠裾斜帝妃解珮珠交加何以被之蟬  
翼紗又何飾之火齊煨盈盈復似嚙素娃中意  
不宣倚靈槎踟躕攬帶折䟽麻彼哉葦施目以  
嘉不採而佩奚庸嗟伊懷攸託邈以遐瑱溼文

撩太清家神著瑤草芬哉萼阿閣三階影盤拏  
黃金為池桂檻遮羣龍中嬉戲以呀紫鳳啣蕊  
拂日華蟾蜍與龜吸玄涯仙者五六風螭車翩  
其來顧思無邪手塞目睇心間多服食不休并  
丹砂長年萬歲聲光賒

崑岡謠

石林漠漠生紫烟嘉生芊蔚霏朱泉含英流潤  
神所躔乃在懸圃之坻閭風巔日辰遞隱八風  
旋崑岡之人顏渥丹方瞳金骨綠髮翩手握瑤



草靈鮮鮮駕兩白鹿招列仙鞭龍種玉漑玄淵  
彩鸞拾葢虎衛田折枝為羞屑為餐調以沆瀣  
津生咽大藥既就言不宣刀圭往往流入間青  
囊赤符授帝前帝曰汝衷予鑒旃錫汝保濟長  
年筌瓊芽珍實慎護旃明堂七十二櫺軒明后  
御日宵以盱琚璜旒綴鏘其珊五六六瑞方岳  
敦慎勿抵鵠主者歎

臨溪歌

白龍跳浪青龍怒雪濤夜撼珊瑚樹長颯震霆

水皆立飛向天衢作雨露遍灑塵埃六合清洪  
流盡引東南行玄圭始錫告厥成陽侯冰夷安  
足名

老蚌生珠圖

我聞瀚海赤蚌能孕月晦望與之為盈缺玩此  
似是太陰精胡為誕此光照乘絳氣燦燦凌紫  
庭生來不觸豫且網初剖却過昭王萍馮夷愛  
惜不敢取日夜呵護勞仙靈九華之燈燃不熱  
長庚何爾臨滄溟滄溟老人赤岸行嫣然一咲



拾連城好事往往貌其似高價亦與昆明并嗟  
乎蚌兮甲族之微爾吐怪生珍乃如此固知物  
不在醜好驪龍之領方可儼周翁純孝希者誰  
六十三歲今抱兒三年不鳴鳴驚人天道豈云  
真無知今日何日好風日賓客滿堂笙樂飾客  
起三觴為翁壽舉圖授翁翁稽首客歌主舞醉  
不辭天寒日落禽擇枝客云主人勿秉燭夜光  
流耀暉四屋

贈朱唯南

郗江原頭葬吾母陰雲夜屯晝飄雨百夫走汗  
事不集匍匐何人為予輔君情倜儻温如春結  
交豈必為干人相逢已是二十載淡然若水無  
纖塵感君有急無不應敏才妙慧亦多稱旁觀  
不厭妬夫唇嗟吾空有諸同姓世人愛憎機事  
多九達轉眼生洪波夷門風邈信陵遠哀歌三  
倡柰君何

訪呂子不遇賦詩投之索彼新曲

古城寒日荒烟白賓客此時有所適我亦危梁



躡級行缺岸層冰凜山積四十病來如老馬瘦  
影楞楞不堪寫伏櫪雖能嘶北風自顧還驚骨  
盈把喧闐城闕輾黃塵就中誰是知音者委巷  
紆驂問君屋客堂窈窕雲牕綠雙鳧出洞幾時  
歸腓草饑禽迷石谷主人不在客須回青案無  
緣叩哀玉逸興充塗不自裁猶致飛章釣新曲  
遙漏孤心待爾消不然令我愁當哭

九石歌

扁舟吳楚北歸時一葉衝颿那能濟時危始解  
屈羣力坐鎮居然強人意惟晉曾矜得楚才吾  
得其九何饒哉匡廬頓減蒼然重彭澤遙分翠  
靄來凌濤千里嵯峨穩掛月中流牛斗回變遷  
却作故鄉物錯置初倚文園臺貞姿歲宴看逾  
秀久敬交深意不猜白雲夭矯開膚寸丹岫溟  
濛常作潤雨中瀑布瀉涓長風前蘿帶含滋振  
羨爾羣居意氣親不獨逸執風塵儁為礪猶堪  
作諍臣虛峙詎期同劫仞自吾攬轡遊關西別  
爾此時桐葉淒靈緣一段空隨夢蒼烟九點不



可携銜哀返舍既少間公等信眉始相盼復自  
文園移小樓方令磊落辭藜苒坐對瀟瀟想蓼  
莪同愁鬱鬱過鴻鴈九石非石強石名下占九  
野上九星朴頑不入照乘玩清越時敲翠釜聲  
龍蹇鳳矯儼欲去蘭依蕙託咸有情參之吾一  
成十友寧慙惠子與莊生

攬鏡示兒吾當稱翁矣含毫抽思志以永  
言

清軒端坐忽自嗤百年七十鎚銖事吾今四十

湯稱翁為做滁山老居士早知霜霰點鬚髯不  
合塵埃留姓氏平子將飛五嶽車宋生猶綴九  
愁字露濕空山蘭葉秋雲寒遠道若華愁公子  
離憂歌歲晏美人含睇慕靈脩蹉跎柰何幸不  
死只向清帷弄文史覽古翻令心意悲却道古  
來多如此手提如意瘦嶙峋推鏡還成獨酌春  
老鵠果無四海翼非熊據馬皆何人

夢入都下悔而作詩

父向東山騎白鹿謁來名都費馬足米珠薪桂



傾錯囊低頭懸薄悲心曲浮雲祗為風驅出豈  
解櫻情狗榮祿丈夫作事貴識幾當機寧畏他  
人非明朝持䟽詣閭闔有臣不堪願乞歸幸是  
未寒雲水社不須重製芟荷衣

對雪成詠

謫仙古城凍雲白倏爾雪花大於席祗舍烟沉  
翡翠踈石梁冰合龍鱗積千家北墜行路難只  
合仙人跨素鸞却羨散花白玉指纖柔不避朔  
風寒

答客見和

去年驕陰苦霧屯今年飛雪亂芸芸田畯檢圖  
彙自喜天道悠悠不可論自予返舍抱憂掇春  
城兩度花如雪見花欲斷嶺猿腸有淚皆成夜  
鵲血此際忽看雪似花正憐隴樹北風斜暮倚  
寒雲望南郭愁臨桑落綴瑤華誰遣春翁奏白  
雪頓令幽谷滿飛葭

飛雪篇

君不見見葱河寒色歛胡氛金符元戎夜享賓狐



腋踣躑初中酒烏號試挽但增鈞挾續詎綏榆  
塞士射生猶督朔方軍又不見羽林攸飛七萃  
雄附熱背寒真駟僧時來誤受漢皇知豹鳥翠  
裘擁香蓋芳獸宵然黼幄中游龍朝控青門外  
委巷誰過楊子廬文園空謝長卿車寒葩寂寂  
飄踈牖凍葉霏霏掩廢除亦有蘭房惜逝年坐  
憐飛絮卷帷看乍臨璫軫揮流微漸點菱花近  
隻鸞此時獨誼還獨寤歎息同心不同處冰痕  
欲結杼中紋芳信常疑鴈邊素素態盈盈掌上

同昔時曾擁梁王臺忘憂爛燭瑤華發脩竹團  
鬪白鳳來羽觴交醉曳裾客玫瑰橫霏授簡才  
沙海飄零今日事翠華清蹕安在哉酴醾作花  
春恨滿鷓鴣雞對啼秋月哀憶昨中霄始凌亂飛  
入千門人不見麗譙銅龍夜未央庭樹雞鳴皓  
已旦窮愁為爾鬚眉開逸勢能令兒女羨銀河  
瀉地凍不流白榆隕空桂如霰西灑麒麟碣東  
沒靈光宮却月觀前虛受月凌風臺上迴因風  
應依雙珮搖東阼還隨萬舞入西雝東阼西雝



看如積羣后賓王旅庭實為言練甲勵吳年何  
似珪璋貢禹日析羽繽紛處士郊瓊靡錯落真  
人室可憐此色誰共妍可惜此花難更匹若箇  
溝塍不含潤若箇巖巒不弄姿楚珩謂寶知非  
寶魏乘言竒不是竒別經蕙畹連芝暎更覆瓊  
田浸赤縣葉葉能消玉藻憂叢叢宜入明光宴  
含情無語下迴塘似去如同近曲廊無地不宜  
現法寶無林不解學春裝委身詎惜添河潤泛  
掌寧辭溢露漿不分迴風能妬舞生憎隕籜故

參翔已知臯壤久搖落却向簾櫳弄綽約抽毫  
為賦幽蘭篇微詞大夫不可作空沐暮色諷瑤  
音怵怵千里寄遐心好附湘鴻度湘水逢人還  
作郢中吟

庭中聚雪為山為詩紀之與弟同賦

先生好奇不可醫手搏冰雪親為之清晨散髮  
百不理夜分然炬謹羣兒羊裘蔽體白氈側十  
指木痺舒拳遲猶嫌詭譎不入眼作山要作山  
之竒圖經輿志移頃刻虹盤虎踞相撐持初分



原陸漸生色乍見崦嶇媚遠姿峻峰插宇珪璋  
特懸崖欲墮精魄悲曲礪逶迤雲竇渺飛梁橫  
絕烟梯危沿壑為阡行跡斷憑巖考室居者誰  
復向峽間置飛瀑洞口雲林分簇簇玉龍逆掛  
青天低翠蓋陰森白日促倒景晴翻琅牖虛星  
河夜繞瓊壇肅彷彿移家二室傍分明坐我崑  
丘麓清輝不獨娛神襟晶瑩還能照披讀先生  
自謂竒而癡衆謂先生癡不俗結髮投情山水  
間那堪行宦阻躋攀虛隨但作名山夢汗湯依  
然遊子顏突兀居然在閨閣坐對曷不休眠餐  
也知銷鑠應經月絕勝蘧蘧夢裏看

青鳥篇

青鳥西飛雲錦紋啣書東下扶桑津翠濤激海  
波萬里丹霞弄影十洲春六鰲下上天吳震吐  
納河漢漂三辰微茫九點齊烟小蔚藍西望瑤  
池杳欲度不度令心悲琅玕無實腹不飽曜靈  
不駐如轉轂黃塵芸芸一何促白雲丘陵枉惆  
悵弇山槐樹嗟如束瑤池之人玉為顏授書再



拜從兩鬢虹輪碾虛按蓬闕鸞拂掃霧銖衣寒  
千年桃花誰作主度度東風吹縣宇瓊筵長御  
不知愁青鳥啣書自來去

壬子立春

矇矇初日含江城江城日華午始晴萬戶迎春  
幾人喜幾家絲管弄春聲春聲入耳不堪聽春  
酒澆腸祇成病春信冥冥誰更知但看容髮逐  
春移容髮誰能常鮮好分明不及江頭草江草  
一春一度青人生一春一回老迎春未綫送春

回却問春來誰為哉

夏日奉同弔山兵憲太白樓之作

青蓮學士絳闕仙黃冠山人知其賢飛鳥相從  
還解珮登樓命酒復談玄逸調自非當世用清  
名空使今人憐黃塵滄水千年變雉堞暈樓暎  
芳甸嶧陽淑氣暖芝廬大壑晴光搖日觀豐碑  
積蘚織成紋睥睨沅雲舞如綫使君斧鉞駐蒼  
冥地主尊壘開曲燕觴羽飛馳竹葉寒冰槃細  
寫水晶丸不用徵歌向燕趙駐看作賦擬雄原



凌虛豈辭登頓苦赤日行空詎知暑振衣思馭  
清冷風濡毫似灑陰山雨憑高野望延形勢鬱  
鬱芊芊列塋紛繡錯九衢藹鱗聯鱗聯繡錯河  
山美綺樹文禽相對起鶴外帆檣裊夕陽花裏  
驂駢儼流水別有亭臺宛轉通虹梁雀舫日迎  
逢傍臨羽客濯纓石下瞰蛟人織錦宮蕪葭杳  
杳滄洲邃荷葉田田綠波媚菡萏爭舒萬頃霞  
雲芝兢挺千章翠霏微聞妙香縹緲度靈吹此  
時四睇墟烟靜玉繩明滅臨天井烏鵲不翔清  
漢流竈鼉欲抱幽沙暝主稱壽千歲客云夜未  
央德將不至醉使君何慨慷霜威指顧生秋色  
霄寒思攬重裘襲為歎高旻鷹隼來至今大澤  
龍蛇息

華山忽值栢山年兄率爾長句

昔共沉冥江海年蘭舟弄波同起眠思鄉對落  
山歌淚去國雙吟明月篇祇為論心好兄弟寧  
知分手各風烟鶴城城前春色暮楊柳慘慘里  
塔渡吳江楚江一水灣廬陵金陵兩雲樹十年



無柰青山何萬里相思白髮多有書君寄汾陽  
鴈無夢我隨錦水波舊時書劍都淪落閒雲何  
心出丘壑釣魚石上幾投竿捕麋原頭一裋褐  
短綆汲深知不量鍛羽長林幸自托底事浮名  
解誤身又逐東風西入秦曲水園林俱下馬夕  
陽山館恰逢人別深杯淺酒行輟欲說愁心那  
能竭楊花漠漠又路岐後夜醺山共嶺月

澠池會盟臺

北山流水南山花開鳴鳩飛上千年臺銅銀

耳亦何有覆手已見相疑猜翠鳳之旗靈鼉鼓  
如雲萬乘皆蒿萊停車試問蒼苔石想見君工  
鼓瑟來

綠竹引

恍如坐我淇水潏青靄襲裾援素琴恨不截之  
學鳳吟嗚呼九苞不下食纍纍徒結千年實空  
亭日暮愁夕陰天籟欲臨人籟息徙倚猶然擁  
碧條極目秦雲起湘色

對瀑布偶吟



神女碧瑤簪明珠構纓絡纖手按鍾球鈞臺響  
天樂何如呼作仙人珮曉跨蒼龍謁帝關醉舞  
婆娑渾忘却天風吹掛翠微間

安居東望濟城

平楚蒼然見十里驅車西出桃花底郡中樓閣  
霞作城湖上人家錦為水對此披襟宜進觴胡  
為遠行自悲傷啼鶯百轉喚人醉垂柳千條覆  
苑長即今已是花如霰何處春光似故鄉

雪後發孟縣渡河舟中作歌

暮春且盡天雨雪高館端居愁夕陰曉發蕪城  
出綠野寒帷恰露南山岑玉華翡翠宛相織明  
珠細絡青瑤簪谿谷平鋪烟霧積又如秋水蓮  
花碧蘭橈桂楫不用呼鳴笳入舟張畫圖雲消  
日出見葱蒨擊節自謂平生無丹臺紺闕相對  
吐蒼虬紫鳳杯前舞中流浩倡感心靈龜龍奮  
波天吳語却憶端居高館時人生那必長愁苦  
夔州行呈松澗憲使

我行鐵山百念摧君鼓洪濤天上來洪濤千里



華雨先生集 七卷  
十一  
一日至鐵山一步三崔嵬南風吹樹影歷亂裊  
裊雙旌度江縣我乘青翰疾於飛君指蟠龍歎  
匹練過眼利鈍如幻漚相逢且卜河朔游南山  
樂石江水沸如此不飲將安求婁江丈人湖海  
氣置我空明十二樓脫帽呼風雙赤脚投壺陸  
博千無憂倉浪之天誰可問為我颯沓回清秋  
寧知世間有炎熱但愁不釀黃金甌明朝走馬  
了公事世人齷齪胡為爾

送李大夫歸閩

青山白雲何處無駟駘豈是轅下駒西風一夜  
吹短褐鄉夢早落蜀山湖李公拂袖不肯住長  
揖羣僚出霜署片帆倒掛星火流咲指甌閩泊  
舟處錦樹萋萋錦水頭黃鳥嚶嚶枉躊躇仕情  
多重朱顏人勛業常歸當世譽我今委羽亦後  
時好是同君賦歸去

東曹子

與子涉江採芳草秋波淫淫人易老不愁蛟龍  
噬我足但恐同心不相保世人結交重意氣黃



金可揮死即易寧知失意盃酒間一言拔劍怒  
相看贈君太乙之鏡昆吾刀飲君玉瓚之玄醪  
君亦報我空明霧縠之銖袍君悲君喜我心勞  
南山粲粲白日高微雪之疵何不消信耳目徒  
心疑我今喋喋何若為

奕臺追憶趙公

草堂堂陰曠地基昔我築臺于此時要與趙老  
同幽期臺成曾未一二試趙老已作東流逝卓  
哉將軍真不俗多少書生媿其腹宣麻三拜大

元帥黃金斗印懸相屬膏中有竒不得揚上書  
先皇歸舊屋平時亦累千金裝散向懽娛賓客  
塲絕口不言塞下莊黃老遺編手常把負郭何  
曾置畝田中堂亦未陳三瓦貂裘當酒歲不贖  
萬錢却治城陰榭趙老好酒復好棋清談吾與  
坐移時人生意氣但莫逆何爛區區形迹為臺  
東臺西滿林樹似蓋清陰覆坐處蒼筠掃地秀  
千竿赤鯉跳波已成趣拄杖來遊祇病軀獨詠  
斜陽轉愁慮風雨蕭蕭舊草堂梅花無語斷人



韓西坡先生集 卷七  
腸飛符欲喚遼東鶴此說從來亦渺茫

挽龍洲中丞

中丞墓草曾未宿今我扶病欲往哭欲往未往  
力不勝且可題詩慰幽獨與君結交在童稚吾  
方十五君十六吾兄視君君弟吾把臂扶肩意  
無觸龍池古寺靜無塵獨樹長松翠于沐汗青  
古今滿佛龕風雨燈窓共僧屋高談但覺傍無  
人低眉寧肯下同俗蘭亭小楷誰則知君也手  
臨日三復吾已識君露頭角同學諸生多側目

從此榮發各有時中間利鈍互倚伏浮奕事業  
不足論四十年來如轉轂不願丹青共頡頏本  
期皓首遊鄉曲寧知事變忽若斯嗚呼中丞今  
鬼錄秦塞胡沁邈漢關縱有英靈歸也不虬髯  
虎目安在哉想見悲風振宰木黃雲黯慘覆嶙  
峴千古賢愚土一築我今絕粒動經日忽復氣  
息還相屬造化小兒每弄人枉使機權相縛束  
蟬蛻于我何有無駒隙寧堪較遲速生也相憐  
死相恤轉嘆時人泪盈掬



晴賦

仲春十日九陰時勒我滿林花故逢瘦骨峻嶒  
更怯縮圍爐禁被空吟詩連章累牘亦何用尺  
尺不得窺漣漪茲辰晨光報晴暖躄躄不謂筋  
骸蹇恰值樓成好登陟一任羣兒競推挽平楚  
蒼然烟霧低桀榆冉冉中原遠花氣濛濛人語  
和水滿石塘烏影過鷓結原生久疲累鹿裘榮  
啟且行歌泳米逶迤看小艇白雪皓皓曾怯凜  
曠然使我鬚眉開從此或能脾胃醒回看新構

轉峇堯似從下界望烟霄休慕冥鴻更寥廓君  
恩已許老漁樵

題陳生瑞亭卷

風流前輩老舜畊百年乃有江夏生舜老古拙  
不入格黃生落筆還有情玄冥慘淡真寫情瑞  
亭圖圖何太清老夫愛才非愛畫指不多為人  
人下濟上諸君識面稀却不人人盡都治陳生  
吾已識其面黃生見筆如相見一齷由來知禁  
厨驕豈必親毛片陳生家是布衣流博古好



藝甘清修得時且欲干闔闔遯世不肯屈公侯  
琳琅滿腹寧愁餓對客揮手皆蟲籀大書似步  
魯公後小書變化姜君儔風水吾鄉信佳麗流  
轉年來正其際進取古人幸勿驕兩生俱是青  
雲器君不聞汪汪千頃陂丈夫事業非一藝黃  
生黃生重致意

靳兩城先生集卷之七

靳兩城先生集卷之八

東魯靳學顏著

五言律詩

晚至河間

晨裝辭鳳籞夕轡結麟坳  
碣石探皇服神洲識禹名  
川光搖日上野吹逐風生  
即此東驅石為梁訪玉京

曉度雄關

名澤環靈域雄關控帝畿  
波恬龍夜語麥秀



雉朝飛志豈封泥請人非負弩歸淹旬抗塵軌  
夢遶故巖扉

雨雪

仲春行冬令朔雪灑舟燈旅泊愁將夕嚴程感  
益增垂堂亦云厲習坎况難憑輟棹青沙渡風  
濤正沸騰

雨中山花

盈盈冰襪佇娘娘素娥頻無語啼寒露空山自  
愴袖誰憐掌中舞不是漢宮人飛李穠華日章

臺爾獨春

寄人

薊門不可見衛水與天長孤月當臺滿伊人滯  
楚鄉停雲予悵望夾日子翱翔何用相遺贈朱  
絲間玉璫

粉青江

離緒遵南渚遐心託北磯客行愁落日悵望暮  
潮歸鼓柁非潭父遺珠豈漢妃眷言在幽素即  
此葺荷衣



硃砂泉

聞道靈泉裏當年泛赤砂清澌澌火齊華蓋覆  
丹霞不預昆明劫還滋玉井花居人久服食雞  
犬亦雲涯

入鄖

楚塞踰千里征人心未央杳冥憶秦隴昭曠接  
荆襄秣馬息蘭坂看雲度石梁因之懷鳳匹長  
嘯晚山蒼

其二

皇風被南服漢水接龍畿桂樹凌寒吐岩花帶  
雪飛江臨孤嶼合路遶亂山微春草萋萋動令  
人一念歸

曉發

結駟已鷄鳴函關夜不扃晨光上絕巘積氣斂  
修垵佇想隱淪客言懷山水靈蓬心竟何已不  
處怨凋瘵

浙川館竹

美人拂翠袂徙倚蒼球闌日暮湘雲起中天下



彩鸞手持綠玉簪飛上青霞端遺曲無人會空  
留明月寒

懷朱大夫

葉落楚山鍾霜催塞國鴻離人向南甫別袂慘  
江楓羨子含香署金華御苑東啼鳥羣吏散相  
憶莫應同

古意

朝雲與暮雨何處自霏霏玉帳芳塵掩蘭缸寶  
焰微自然愁寂寞不用問容輝忍向無人裏春

風試舞衣

陳節婦

妾有古玄鏡一破不復圓雖成兩分離光景雙  
可憐玉函閉秋水銀花空自妍幽臺君不鑒明  
月在中天

至襄陽

問俗來襄土神臯亦壯哉山藏卧龍客江繞楚  
王臺戍角吹寒色方城起暮埃竹林無可語惆  
悵夜鍾催



詩

妙

出塞

大漠羽書傳君王勅出邊徵兵動河朔伐鼓下  
祁連鏃騎金沙冷雕弓寶月懸由來重恩紀  
不為勒燕然

銅雀臺

悲臺臨漳水蘭氣尚氤氳那知絃吹奏無復翠  
華紛鬱鬱西陵樹蒼蒼起暮雲唯將瑤琴怨彈  
向九疑君

題畫

危坐朱桂亭朗誦紫金經不知春雨暮飛花過  
洞庭鷓鴣正無語瑤華寒自馨揮手絃廿五遙  
遙望湘靈

山城

山城冬亦嘉積雪媚寒葩峰影當庭轉人烟背  
郭斜空階落松子野日下簷花吏事方蕭散無  
為即道家

秋江

大江去無極復此越山青相對兩無語秋風竹



樹零芙蓉開別渚芳芷結寒汀采采欲誰贈悠  
悠空復情

郡齋新竹盛長

荒亭何所有歷歷種琅玕翠鳳凌空舞蒼龍路  
地盤階流風籟響門擁露枝寒坐覺塵氛淨長  
留日夕看

采蘭篇

采蘭秋盈把湖水可憐秋西風吹白鴈寒影落  
青洲時序已如此芳華其柰愁鳴撓下日暮慄

慨不成謳

立秋

素節商風起金河別鴈還美人隔湘水落葉暗  
關山海月幾時上酒杯今夜間相看七夕近佳  
會滿人間

聞鴈

高秋霜露下陽鳥已南征朔月辭朝影湘雲落  
夜聲胡笳萬行淚北客幾年情羨爾風毛便雙  
飛凌太清



秋興六首

林卧淹旬幾辭榮故不羣拙為黃鵠笑靜許白  
鷗分想見山阿跡疑聞杜若芬因之觀萬動去  
住總浮雲

其二

鷄鳴冠初整蕪色上吾廬微雨仙城入荒雲魯  
甸餘關河頻過鴈故國幾行書尚憶青門叟為  
園計未踈

其三

飯牛晨始出抱甕午初歸得意不在酒看雲共  
息機晴陰變朝暮吾道且荆扉不見南華叟漆  
園無是非

其四

脩林蔭廣陌候至葉紛紛過客啼鳥盡村春坐  
雨聞蘆秋迷白日沙暮散黃雲惟有蕪亭草青  
青獨對君

其五

悵望豐豆華臺蒼蘿覆古苔日搖晴影動雷入夜



新雨城先生集 八卷  
聲迴含睇蕪葭合當歌鶴鶴來風塵苦滯滯誰  
復共銜杯

其六

落日平臺望亭臯秋可憐風吹沙作雨鴈度水  
如天匹馬漁梁晚歸人古木邊扁舟鴟夷子不  
向五湖還

送客之南中

范老江南去春風到石城琴聲山雨潤帆影縣  
花迎看斗當天末聽湖向月生殊方雲物異何

以豁吟情

聞笛有寄

清切誰家笛高樓聽弗真曲沉青海月腸斷玉  
關人楊柳愁看落梅花怨未勻懷君當永夕不  
寐欲傷神

夜雨二首

飛雨洒高棟回風颯以涼已能蘇病骨亦足結  
離腸清對杯中物遙憐郭外堂菊叢有佳意嗟  
爾負巖壻



其二

不寐聽風雨瀟瀟滿故廬先聲過葉細吞響入  
沙無抱濕玄蟬泣驚時白鴈徂冷然懷魏闕撫  
枕一長吁

送孟大卿之京

名城急鼓吹彩鷁發狂飈衛水沙侵海天津日  
射潮防胡雙劍在報主一身遙况值中興運風  
毛開絳霄

夏日贈弟子魯齋居

鳴蟬催落葉斜日下荒臺關塞迎秋近風雲接  
地來靡蕪香自好黃鵠苦相哀孤客牽情思誰  
同江上杯

其二

一齋寄人境數月戶常扃不用傷幽獨聊為養  
性靈清飧朝菊露暗汲夜潭星睡起荷鑿出松  
根斲茯苓

其三

聞子鍊三寶功成大道存玄珠一入掌白日與



誰論芝草園丹室靈源長玉痕未須矯羽翰却  
已去囂喧

贈郭子

亂葉下如雨君行何處邊黃河九曲盡白日一  
帆懸開署當形勝為郎復妙年顧予甘病廢方  
著卜居篇

眺城南門

澤國浮烟歛臺門野望開樓衝征雁斷山遶夕  
陽來形勝古如此河流長不回暮天對搖落秋

思轉悠哉

效李

昔有嶧陽客邀吾語南華坐降丹翮虎笑弄青  
銅蛇石磴流紅雪天風散綺霞相思不相見桂  
子月中花

後湖

君家住湖口逸屋玻璃寒佳木翳芳嶼蕙風起  
微瀾下有驪龍窟馮夷護重關攘臂羨吾子時  
采夜珠還



南兩城先生集 八卷  
答栢山感秋之作

吳門木葉下高齋  
秋雨濛螢飛茂苑  
夕露湛古潭  
空離思生寒草  
幽期識落楓  
遙看江北鴈  
六翮幾時東

秋日閱兵

初日照江營  
微雲卷太清  
霜嚴魚麗陣  
颯發水犀兵  
餘勇摧鯨浪  
先聲動蜃城  
所希妖青滅  
不為厭書生

與劉年兄吳江夜汎二首

震澤初寒夜  
空江急雨鳴  
清秋捐珮客  
輕棹聽潮生  
酒送湘靈曲  
詩含九辨情  
南飛有烏鵲  
沾濕不成征

其二

秋英不可擷  
汎此秋溪陰  
惻惻江南弄  
泠泠澤畔吟  
寒流生夜壑  
蟋蟀響空林  
斟酌盈腸酒  
論文復論心

避暑

晴雲開桂館  
江國暑方闌  
置酒當華月  
行歌采



素蘭坐殘烏鵲夜卧近斗牛寒雖愧方之內還  
宜靜者安

竹館

此中暫高卧時時風雨臨人疑中散侶地似武  
公林蕭索激玄籟虛無清道心唯餘白露夕庭  
鶴有孤音

之海上

八月暮潮平孤槎海上行風生桂花闕月抱綺  
羅城清磬烟中發高僧竹外迎塵心與塵跡不

覺一毫輕

聽無瑕和尚彈琴

花宮依石壁曲逕入清陰一洗塵中耳來聽松  
下琴名香供佛日江月空禪心若問空王法無  
音是太音

贈漁川醫師

舊國逢秦蜡危疴想越人刀圭看累月骨肉別  
經旬數過憐吾子微言入妙因論交方恨晚不  
獨技通神



雪中客有携詩見訪者賦答

愛雪真成趣新詩早為裁  
情高粱苑上興逐剡溪來  
對局光初眩當杯花亂開  
猶防歸路晚携取夜珠回

有懷北墅

別業荒仍在何時策馬臨  
人煙三戶少寒翠一亭深  
魚樂因春水禽鳴且故林  
間身無繫絆若鳥阻遐心

送周子轉官便省海上二首

水衡新晉秩星節暫辭君  
漢署虛清瑣吳江渺白雲  
心將春棹遠人共早梅芬  
海上方多事應傳諭蜀文

其二

明珠輝上國珍羽憶南林  
春色仍桑梓嚴裝是鶴琴  
官塘芳草濶候館暮潮臨  
為問棠溪上梧桐幾樹陰

春雪二首

荒餘生事薄春意正蕭條  
纔入芳菲淺那堪雨



雪灑陰疑防月夕寒恐悞花朝靈澤翻愁劇逢  
人問俗謠

其二

正月雪猶飛靈花應候機到門隨客馬入幕點  
春衣舞紵同回素榮梅似妬輝不知淮浦上冷  
逗幾鴻歸

送陳主事之滇

粵南天萬里今作鑄山行使者非言利 若王  
重橫征津亭新授槩開府舊馳聲別緒有無賴

秋蟬故故鳴

初夏侍家君郊園娛客

清洗冷夏室徧地遂初盟閱客誰知健為歡身  
益輕洞廊圍縱博修木坐聞鶯不三持關法應  
能待月明

宿少玄洞

前溪夕影沉纖月忽西臨水繞孤城閉州舍萬  
井深田家無外戶野宿復中林已得沉冥理兼  
清物表心



清華堂

夏日娑娑處清華水木鄉身閒不關暑境寂若  
聞香洞戶生陰藹蘿幃引晝涼夕陽滿清聽流  
吹遠林塘

暮春

郭外少塵事端居歷物華清陰三畝宅遲日一  
庭花挾冊留聽鳥揮鋤坐種瓜居然老圃意誰  
復失時嗟

西征別家君

又分中林卧俄興岐路悲趨庭能幾日問寢復  
何時關樹愁中遠鄉雲泪裏隨行經太行下重  
媿古人為

安居道中

含情攬衣帶雪涕及驟驪忍向雲山別能辭故  
舊酣倚門今異昔陟岵後誰堪回首芳春暮垂  
楊汶水南

陳中丞園

名園占水曲興廢不堪陳虛館陰陰夕閑花寂



新田坊先生集 卷八  
寂春臯蘭收上策金谷老邊臣脩竹啼鶯滿何  
會識主人

入河南境有感

青春無不到護客入中州草色淹征騎桃花引  
戍樓之官仍首路秉志欲何求解帶空堂夕懷  
人泪幾流

獲嘉夜坐寄需兒

客路遶關河悠悠數日過香鍾官舍晚春夢故  
園多去就非初志蹉跎敢怨歌持尊慰汝母惜

別柰兒何

大風

驚風回六鷁千里晝冥冥涉海騰于沸蓬心轉  
未寧振衣投夕館戕牖待昏星不辯陰晴色其  
如對醪醺

自清化如懷慶二首

晨征開曠望信羨見華坳曲水含村綠名山擁  
郭青按圖求藥物逢客訪仙靈安得移家住盈  
疇種木苓



其二

巖邑通靈嶽修坻達近廛新榮敷鄭圃積氣藹  
梁暝幽築隨人占良游結侶還客心殊不憚心  
賞暫泠然

河陽縣

潘令昔為政風流談至今花開滿縣綺樹合一  
川陰訟向彈琴息情于作賦深烹鮮正此意百  
代有同心

渡河二首

一官是何物半紀再遊秦擁傳空懷主乘軒  
每畏人貧無負郭業健有力田身廢置當知止  
猶勞數問津

其二

二月桃花漲芳洲蘅杜生車徒紛利涉鏡吹亂  
先聲薄霧堪浮蓋柔風欲振旌封疆元不異徒  
倍旅人情

出孟津路望北印

川原開曉望憑軾覽華風驛路鶯啼裏旗亭山



翠中意將尊酒答恨不故人同初服吾將返題  
書此便鴻

入洛有贈

王制維藩重侯封分陝多仍雲承帶礪列雉俯  
山河典則周南在風謠江漢過甘棠非往事想  
續召公歌

其二

故友殊方遇良宵芳醕陳寒溫俱未暇心跡更  
堪論性癖長懷隱時艱敢愛身洛陽多年少應

有治安人

新安道中

東馬亂春流揚麾歷上游千秋紫氣歇終古赤  
塵浮表裏河山映逡巡趙魏休丸泥策不用天  
意豈人謀

新安遇盧少卿謝事東歸

春風函谷裏下馬兩愁容予念秦中變君懷海  
上烽臨流分去轍入洛近昏鍾方羨歸與好誰  
能嘆不逢



憶故園

故園空想像  
春雨積莓苔  
水自無聲去  
人誰載酒來  
草生閑館遍  
花戀舊枝開  
肯使蘼蕪怨  
王孫計日回

望嵩嶽

三花如再眼  
百里麗春空  
白鶴真人駕  
丹霞帝子宮  
雲峰終獨卧  
塵鞅若為通  
明月瑤笙寂  
千巖悵望中

硤石遇王年兄歸吳

硤石纔通憶  
春卿乍拂衣  
鄉心占海月  
客路采山薇  
舉世微名悞  
逢人高蹈稀  
得歸歸便得  
深掩故園扉

魏野草堂二首

車馬紛如積  
雲林只自閑  
門垂幾株柳  
身寄萬重山  
黃屋回明主  
清風激厚顏  
不知巖洞裏  
去鶴幾時還

其二

先生昔住世  
天子莫能臣  
叢桂淮南隱  
空山顏



闔貧前朝流水在廢屋野花春冕褐雖殊術千秋共所珍

于闐鄉作

鼎湖龍馭杳遺弓空復情嶽光搖衆壑河色澹春城看雨離心減焚香道氣清帝鄉不可見指顧白雲生

二月晦日

臨觴乍不御柰此青春深踈雨鳴官閣微雲結夕陰芳蘭催縮印曲水阻開襟撫壯今逢暮猶

然戀一簪

入關慰諸生

頓馬入荒城遺民擁篲迎圭門通謁者綿蕞拜諸生多難驚相見斯文慘未平向來絃誦處鬼火夜縱橫

吊被災士民

極目延秦晉銷魂無早曛同時捐素體千里哭黃雲駭燕依林宿危花隔磧芬茫茫春草裏愚智等新墳



雨發潼關

晨興辯雲色吹角戒征夫時雨行來密迴風吹  
故踈芳條柔可結沃野綠于塗豈不懷前路虹  
霓望未蘇

上巳日華陰對雨

芳辰今滯雨菱舍寄山城高卧烟初暝閑愁草  
共生流雲失洞壑懸瀑下空明佇想千秋事山  
陰亦令名

三月五日奉同諸公看華州東家園子

逢時翻不樂追賞及東園流水潛通澗垂楊深  
映門人閑花自發境寂鳥忘言不厭華觴滿由  
來比樹萱

暮春西陂司馬園亭次韵二首

不為耽幽尚應知過從稀經時三秀長留客一  
尊微地以金華勝人同綠野歸如何見龍日猶  
自戀荷衣

其二

名園屬芳序洽賞得初心北戶羅青篠南山落



翠陰垂榮依密坐曲水列披襟城闕方多事歸  
與悵獨深

送李玄育解元入蜀省親

連峰望如畫匹馬入寒雲紫栢風霜占黃沙驛  
路分携將桂林秀散作錦江芬綵服趨庭處知  
君有異聞

靳兩城先生集卷之八

靳兩城先生集卷之九

東魯靳學顏著

五言律詩

九日次介川年兄韻

臨眺有高臺雲峰迤邐開佳辰九日是邊塞數  
鴻來撫節偏憐菊逢人且進盃歸途踏月去毋  
慮暮鍾催

奉酬衛原十五夜之作

齋閣逢休暇過從期不遲黃花猶泛筭白雪已



含詞興落高旻月情酣琪樹枝寥寥人代裏皓  
首幸相思

奉約二省長夜集介川以督賦出巡不至  
華省日無事同心人若蘭何知轉蓬客不共引  
卮勸東濕民今甚烹鮮計好難夕栖應獨寐風  
葉驛樓寒

奉酬衛原新釀如渑之作

官聯幸所欽日復嗣徽音倚玉材非類如渑愛  
與深朋從唯二屨文思愈兼金不為諧淵尚清

尊誰共斟

風雨望張果石洞不克上

貞客乘清氣翩翩去帝鄉空餘燒藥處莫扣餌  
丹方綠水華年逝青山別路長踟躕風雨夕明  
發未能忘

譚子留飲時有雅歌鼓瑟者

鼓瑟疑湘浦陳詩恰鳳城相思芳草歇相見夏  
雲生交以玄門篤情緣綠醕傾羨君將羽翰見  
說尺書成



煎茶坪雷雨俄霽

幽谷雷初奮高坪欲息車  
虹收半山雨風掃一天  
霞壁益空青濕泉分匹練  
斜冷然翠微上對此待煎茶

紫栢寺

蘭若俯千峯香烟繞太空  
雨隨龍藏偈雲出虎溪  
風啣果珍禽至聽經玉女同  
如何蒼翠裏不許世緣通

青橋遇胡年兄飲別

繡斧移新寵征驂拂舊衣  
連雲褒谷上計日汝陽歸  
別酒傾清漢臨岐悵落暉  
自憐身萬里不共向東飛

龍潭瀑布

曲溜鳴蒼峽澄波浸紫臺  
風來琴上拂花向鏡中開  
飄處紛于雪深邊色似苔  
未愁龍睡醒入夏不聞雷

發成都當自渝入夔

北客心無賴炎州夢亦驚  
猶然厭為吏况復事



長征結髮投 明主凋顏愧後生如何馳萬里  
不作故鄉行

蟠龍寺次木涇周公韻

華藏開中谷青精飯夕陽不愁川路險轉覺夏  
雲涼候吏依香積經僧在石房如聞甚深義暫  
使旅情忘

覺林寺

萬樹鬱蒼蒼聞鍾知上方江聲喧說法松影寂  
焚香華藏隨心轉空林覺日長老僧渾不語合

掌佛燈傍

少溪公館露坐

碧山四時好清眺幾人閒旅食星初改顛毛日  
欲班踈鍾烱際發逸鳥夜深還不敢開龍劍應  
愁射斗間

岑公洞

風御冷然去仙蹤此洞留泉飛江嶂雨雲鎖玉  
梁愁白日壺中駐黃塵海上浮徘徊人不見愁  
絕下渝舟



白帝懷古

山轉巴人國江迴白帝城西南非王氣圖讖在  
雄名鐵鑠聞丹峽菁茅貢玉京時清今有象巫  
女盡調笙

自府治放舟瞿塘

皂蓋諸侯集瞿塘六月臨輕風數聲櫂斜日半  
江陰杯近蛟龍窟帆開虎豹林無由觀艷瀕三  
復杜公吟

開元寺

杏閣諸天近花宮一雨秋僧傳龍壁在神護御  
書留幡影飄鮫室香烟結蜃樓還疑弄珠女相  
對鏡中遊

自夔回省舟次南沱

鄉路荆襄是歸期巴蜀非東西牽兩地心跡使  
雙遠快鷁回江色輕帆帶雨飛沙燈夜明滅人  
語暫相依

華藏寺

生性常遺俗眠餐只近禪蒲團釋子讓菰飯野



人傳予抱維摩病誰叅不二玄華輪空萬卷俱  
是落言筌

途中柬前渠藩伯

不厭趨程苦惟忻相見頗情知非故國俱作暫  
歸人何幸蒹葭倚由來魯宋隣常希附雙鯉數  
報白頭親

牛頭寺

晨光滿巖岫歷歷見叢林佳氣盤丹宇空香靄  
碧岑兩江沙嶼外萬井石城陰聞有峨眉洞苔

封信幾深

送前渠藩伯回鎮

相憐俱北客相送復南天路指三巴盡人歸七  
夕前涼蟬催驛騎飛雨淨蠻烟幕府應多暇瑤  
華入鴈傳

七月七日新都二首

睡起依簷樹清陰坐日嘆拙宜民務寡病覺客  
身單是夕雙星聚芳年一葉殘悠悠理塵跡終  
是戀微官



其二

開閣涼風至依微新月生青林光已暝白露氣  
初橫暑病逢秋劇鄉書倚夢成如何牛女夜翻  
抱別離情

樓上聞笙

吏散日無事涼風挾冊遊婆娑漆園樹長嘯庾  
公樓水氣蒸殘雨城陰肅早秋聞笙懷鳳客雲  
岳意中愁

漢州得需兒書

漢館澄宵霽高齋下葉遲人今嘆西徼樹亦愛  
東枝金鴈書回日青山淚盡時翻飛寧有意吾  
鬢已絲絲

遇松澗金憲使洞泉何將軍夜集開元寺  
時金偶被口語而了無色愠因贈是詩

古道逢人少因君意氣深朱絃猶自直白簡若  
為侵朗月杯中寫陰蟲柱下吟澄醪亦不醉况  
聽玉為音

次夜再與復菴張公大叅午槐程憲使何



將軍寺中二首

片言成卜夜復得賞心遊  
蘭若常為主芳尊不用謀  
星臨金雁迴露濕桂輪秋  
嘿嘿中林意相看欲贈鈞

其二

所忻松下約俱是意中人  
清影彈碁盡涼颼酌禮頻  
空香閉夜色古殿轉星津  
杳杳人天外何由見一塵

曉渡金雁河

晨風何獵獵天水正氤氳  
容與蘭橈轉微茫星嶼分  
幽禽吹影戲寒藻盡情芬  
何日隨金雁東飛共作羣

初春始出華陽

靡靡驅征蓋遙遙指舊途  
交情誰向是歸夢幾時無  
古道開丹杏春塘起白鳧  
流芳非不羨自與故園殊

寺中安榻正對竹林

方恨牽纓珮俄成隱竹林  
清清因見性淅淅自



成吟永日啼鶯隔輕雲講殿陰居夷信何陋是處有同心

聽黃鸝

萬里無鴻雁持書付却誰離心春草共病骨緼袍知瘴雨荒山館蠻灘苦竹祠庭闌何處望愁畔一黃鸝

三月十二日

歸期不可卜坐惜青春深細雨韶光濕空林夜色侵一年愁裏夢萬里苦中吟強欲題書寄誰

能報好音

秋日講堂

官閒無所事所事在文言牀上書常滿簷前雀任喧到來寒草變行處曉霜痕思往成長嘅林風赤葉翻

東軒飲餞趙太行還朝

東苑梅花發乘時小坐看呼盧聊共客弄酌幾成歡在所悲歌滿中程官作難使星回益部肯為說長安



自蜀遷晉憲使聞報有作

心顏悴已甚岷濟望茫然五懶衆多謂一官誰  
見憐劔門晴雪在棧道野花妍涉夏清和候歸  
車人是仙

歸自沈園

幽築同于野閒扉深自扃暫歸逢落木屢別惜  
凋蕙對境歡無日間程髮欲星煩蟬亦自聒留  
坐為渠聽

仲春藩邸同文谷

清曹多暇逸勝地此招尋蘭氣薰緗帙松聲寫  
素琴徵歌三晉妙留客五陵深更擬淮山上同  
遊桂樹陰

甘泉遺所知

絕城無知己逢迎祇候人虜塵飄近塞殺氣黯  
秋旻洛水聞鍾夕甘泉度馬晨南飛多旅鴈持  
此報情親

十八夜寄內

旅服三春盡還轅首夏殘漢陽江上月圓缺客



中看桂枝離前影輪虧別後團此時遙憶汝念  
我向長安

漢館月夕

栢臺清夏氣華月散澄輝桂疊參差影螢翻高  
下飛寤言對尊酒離思遶巖扉坐惜孤心阻非  
嗟千里遠

釣臺石

亭亭出雲表云是古漁磯蘿想垂綸影苔疑坐  
釣衣游鯈方自適獨繭竟何歸佇意臨淵者于

今應息機

病中望張果石洞

披霞標石室積翠閃瓊樓丹洞窺仍聞雲空睇  
若秋巖垂封竈霧山帶洗芝流疲病方高枕深  
思托乘遊

城固

沃野溝塍麗芳塵生事煩千林森夏氣一水上  
春痕花落雲生渚鶯歌麥秀村此中頻借問莫  
是小桃源



寄念菴

丹穴還伊邇玄潭不可期臨流牽念遠隔歲得  
書遲脉脉辭金畛遥遥望漢低山川斜照裏歷  
亂使心悲

雨雪

暮雪亂毵毵青青又半淹鶯花情並阻藥餌手  
常拈驚蟄應從律援著欲問占所謀惟口腹下  
筋幾曾甜

雁

氣至先霜去春來後客歸稻梁曾不厭矰繳欲  
安違衝雪聲逾厲排雲影自稀緘書欲有寄未  
必上林飛

省事

懶慢從來有朋從難盡無裁書猶滿篋拍案欲  
狂呼病始知真味閒方得老夫月來刀筆靜安  
枕對香爐

樓望一首

非無一尊酒積瘵廢逢迎性本烟霞癖人誰肺



新兩城先生集 九卷  
腑情坐來分野近望裏嶽雲生瞑色應知返猶  
然戀倚楹

園花盛開率爾忻述

家園偏自媚國色果無雙世眼應無恠禪心也  
自降壽安紅徑尺玉粉艷盈腔無限婆婆娑意人  
今卧北窓

惜花

花開人復病何似不開花風雨連朝急芳菲枉  
自誇折來還枕篔留在只泥沙終屬兒童手空

尊鎮日斜

賜谷見招病不克赴折花賦詩以答

紅媽猶戀景香散尚含風已識春如夢從教色  
是空招携孤勝事折贈自衰翁華屋傳看處應  
能相憶同

遣悶

委蛻吾何有披裘日且歌病雖離死近身漸得  
閒多經歲忘巾櫛扶筇任薜蘿所需唯一飯造  
物意如何



諸公携酒見過二首

平生牽組紱病始脫樊籠却掃彌三月清尊枉  
數公別深嫌勺淺景久畏途窮惆悵空林散啼  
鶯處處同

其一

故人携酒過隨意選亭林花作逢迎態鶯嬌唱  
和音耆英還洛下蕭散是山陰予抱沉痾卧雖  
然興更深

池上

移衾池上卧魚鳥益相忘不復知身世那能問  
藥方林禽喧熟寢水葉薦清香試作啣盃意微  
斟趣也長

臺上

是處皆春色層臺面面殊高香初辯蕙仗羽乍  
看鳧雨岫移靈境風疇散綠蕪不知牽綬客得  
此日來無

賦春雨軒

軒閣梁園裡陰雲鬱復迴空濛春雨入窈窕苑



花開文几清流霧丹楹繡是苔賓筵多組紱授  
簡盡鄒枚

金勝寺

緣空無去住隨喜到金沙對變移朝景圓齋折  
露花梵林清磬響靈境慧光斜未慮天園晚歸  
來有妙車

入舟

方舟下洵口石闕縱金臨未厭林丘訪重增江  
漢心圓文壁彩溢曲響玉徽沉共此東歸意無

能慰所欽

上書待報三首

五十行年過親交去日踈宦情嚼蠟侶仕路積  
薪如 聖主容投効潛夫不著書得諧初服願  
便老菟裘居

其二

學術丹砂誤勛名華髮新嗟來子桑扈一病返  
其真靜裏看三昧區中總六塵因君頌酒德為  
倒玉壺春

其三

移疾祈三已封章知幾投名非邀翫  
髀實是厭沉浮皇路看賢輩青門老故侯  
秋溪纔理釣恰對月如鈎

予告二首

詔許辭朱紱恩應到醪醕他年居士傳  
此夜少微星家有杯中物兒收肘後經  
槁梧時自據雙眼為渠青

其二

已鑄沉冥相應傳丘壑神杜門千載事  
伏枕半生身楓葉長江晚桃花小洞春  
浮生良易遣何必畫麒麟

釣臺二首

誰信孤蹤客休官萬事輕荒臺橫泗水  
高枕閱任成夢不關風浪身方寄太平  
臨淵終日在那有羨魚情

其二

干主真無策明農又薄收西風吹短褐  
落葉伴



垂釣時去羞兒女呼來任馬牛所嗟國士遇益  
覺此生浮

清華堂

空齋清且適一侶羽人庭榻引莓苔繡窓懸薛  
荔青笙竽天自籟雲氣晝常冥不解金丹事無  
為是道經

泛舟

玄鶴逝不返清川悵獨遊浩歌魚出聽得意鳥  
忘憂路轉滄洲邃人閑古木秋沿洄盡靈境是

虔好維舟

曠然亭

不意沈之曲茅亭背郭成開簾青鳥至隔水白  
雲生射獵看兒輩琴尊待友朋猶嫌口多事得  
不負玄情

雜興三首

鶴骨秋能健龍情老益馴閱人姑布子說法宰  
官身世以醒為醉吾將夢是真爾來爭席處沙  
鳥漸相親

其二

禮法非因我沉冥何與君綈袍交誼見木葉世  
情分下澤吟清晝高齋卧白雲鳴禽他自美耳  
若不曾聞

其三

攀林還踏閣佳處莫能酬鏡裏雲霞色窓中洗  
泗流人烟芳渡晚官樹古城秋日觀晴嵐外何  
當飛鳥遊

七月六日

堂上讀書罷階前灌藥餘綠陰閑永晝白水護  
吾廬鍛鶴堪同病牽牛正索居衆芳忽搖落誰  
促隙中駒

立秋日

一夜今如此芳華其柰何溪無王子掉門有翟  
公羅孤鶴伴垂釣空林荅放歌憑高聊送日尚  
覺夏雲多

病起

暫病還來此幽期可自由雨餘清萬象樹杪出



雙流懶任羊何棄  
迂從驥子謀  
故園經始後  
幾見荳花秋

含虛閣

巢居無所慕  
抱膝恰能容  
身屈寧求獲  
時清敢卧龍  
鈞簾千里月  
隱几五華峰  
客至還留宿  
同聞清夜鍾

久雨

一晴還一雨  
難可定幽期  
應候吟蜻蛚  
恒陰長蒹菼  
渚禽紛上下  
雲木秀參差  
碧蘚緣何事  
空

堂日夜滋

春日試牛二首

非關涉趣往  
聊為避塵來  
殘雪高齋閉  
踈鍾古刹開  
園丁脩歲事  
蔬甲薦春臺  
已買扁舟在  
凌波日幾回

其二

竹潤猶含翠  
梅暄欲弄姿  
石塘清且淺  
沙鳥下還疑  
時事吾高枕  
神謀誰揲著  
躬耕非所任  
抱犢偶然為

江甥饋鶴二首

予正憐幽獨君能贈友生羽儀雖異質霄漢本  
同情娛客呼能至聽棋住復行澹然忘寵辱共  
我一身輕

其二

幸自甘泉粒胡為近網羅見收情正急持贈意  
如何舞想瑤池在笙疑子晉過赤霄終放汝為  
我暫婆娑

元日試筆時聞遺詔且至

年光何以異動說隔年人世事真如夢時名枉  
誤身普天看縞素中夜辯星辰已覺休徵集  
軒皇御歷春

三日諸同志哭臨東寺

忽聞哀痛詔病裏泣孤臣同戚人非約相看泪  
是真寒雲香閣慘積雪石臺春入夜占乾象祥  
光已北辰

人日南石召集西寺兼尋舊盟感述相示  
四首



鄉國逢人日祇林聚德星焚香新作禮列座舊  
傳經閱世頭俱白尋盟取更青從茲蓮社約不  
放一夫醒

其二

東道君如約西林雪正深清尊悵不御重褐冷  
猶侵交誼玄於水同心斷若金敢言衰病客不  
受武公箴

其三

法界白毫中諸天萬象空椒盤隨客至蔬飯與

僧同雁圃寒猶洹龍池雪欲融憑虛聞鳳吹已  
入落梅風

其四

伏枕年光換含毫朔氣侵即看琪樹裏何以霰  
花臨傲吏元彭澤前身是道林拂塵見往迹廿  
載恍如今

登極詔至志喜二首

祥雪先春集仁風萬里傳謳歌歸禹嗣隆慶入  
堯年病骨思扶杖閒身願受廛竹林今幸始日

新西坡先生集 九卷  
日日高眠

其二

五鳳傳新制羣龍捧 聖人光華回日月膏澤  
出絲綸垂裕還 先帝持終在老臣蒼生加額  
罷相視轉沾巾

為近川題

清川帶林屋物外事幽尋鳧雁成知己風濤寫  
素琴中流擊楫意明月釣鰲心豈為甘冷寂由  
然覓賞音

為夢鶴作

仙鳥乘元化千春一斲來圓吮響霜月清影歷  
崑臺驚露孤心耿盤空六翼開虞庭方侶鳳回  
首念時哉

贈臨溪光祿之任留都

益牧徵良日明堂受計辰檐帷過里暫封事入  
郵頻吏治推高第勛卿陟老臣禁員清似水  
帝寵渥于春吾濟佳形勢君家世縉紳中丞垂  
四葉制策屬三陳隼擊升猶晚鴻達漸始馴職



應謝鞅掌節起倦風塵琴鶴裝猶故冰櫻薦正  
新六朝供藻翰雙卒引華輪清議吳都正崇資  
漢相鄰勿云虛鼎鼐指日預經綸

人日扶病上半卷樓流睇郡城佳勝

自罷尚書始歸來漁父謔玄情流水澹春色倚  
樓多懶是嵇康右園應仲蔚過青雲連睥睨紫  
氣接山河人日脩新社王風衍太和故鄉還羨  
俗病若貢生何

靳兩城先生集卷之九

